



Arkivsaksnummer: 2022/5206-3

Saksbehandlar: Mari Melbø Rødstøl

Dato: 28.06.2022

Utval	Utvalssak	Møtedato
Nasjonalparkstyret for Reinheimen	22/2022	24.06.2022

Saksframlegg med vedtak

Nasjonalparkstyret har i styremøte 24. juni samrøystes følgjande:

Vedtak

Med heimel i verneforskrift for Reinheimen nasjonalpark § 3, pkt. 1.3 b), får Lesja fjellstyre dispensasjon til bygging av vedskasse inntil eksisterande hytter, Skurveosbu og Nordre Grønvassbu i Reinheimen nasjonalpark.

Dispensasjonen er gjeve med følgjande vilkår:

- Vedkassene skal ha dimensjonane; 180 cm brede, 100 cm dype og 100cm høye.
- Vedskassene skal plasserast inntil eksisterande hytte.
- Det skal påførast same farge som hytta og taket skal ha ei matt overflate som ikkje blenkjer.
- Frist for gjennomføring av tiltaket inkludert opprydding, er ila juni 2023. Etter denne fristen fell løyvet bort.

Vi gjer merksam på at Statens naturoppsyn (SNO-Reinheimen) vil kontrollere at tiltaket er gjennomført i samsvar med vedtaket. Tiltaket må òg avklarast med Lesja kommune

Klage

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova § 28. Ei eventuell klage skal rettast til Miljødirektoratet, men sendast til Nasjonalparkstyret for Reinheimen.

Innstilling frå forvaltar

Med heimel i verneforskrift for Reinheimen nasjonalpark § 3, pkt. 1.3 b), får Lesja fjellstyre dispensasjon til bygging av vedskasse inntil eksisterande hytter, Skurveosbu og Nørdre Grønvassbu i Reinheimen nasjonalpark.

Dispensasjonen er gjeve med følgjande vilkår:

- Vedkassene skal ha dimensjonane; 180 cm brede, 100 cm dype og 100cm høye.
- Vedkassene skal plasserast inntil eksisterande hytte.
- Det skal påførast same farge som hytta og taket skal ha ei matt overflate som ikkje blenkjer.
- Frist for gjennomføring av tiltaket inkludert opprydding, er ila juni 2023. Etter denne fristen fell løyvet bort.

Vi gjer merksam på at Statens naturoppsyn (SNO-Reinheimen) vil kontrollere at tiltaket er gjennomført i samsvar med vedtaket. Tiltaket må òg avklarast med Lesja kommune

--- slutt på innstilling ---

Saksprotokoll i Nasjonalparkstyret for Reinheimen - 24.06.2022

Behandling i møtet

Samrøystes som innstillinga.

Vedtak

Med heimel i verneforskrift for Reinheimen nasjonalpark § 3, pkt. 1.3 b), får Lesja fjellstyre dispensasjon til bygging av vedskasse inntil eksisterande hytter, Skurveosbu og Nørdre Grønvassbu i Reinheimen nasjonalpark.

Dispensasjonen er gjeve med følgjande vilkår:

- Vedkassene skal ha dimensjonane; 180 cm brede, 100 cm dype og 100cm høye.
- Vedkassene skal plasserast inntil eksisterande hytte.
- Det skal påførast same farge som hytta og taket skal ha ei matt overflate som ikkje blenkjer.
- Frist for gjennomføring av tiltaket inkludert opprydding, er ila juni 2023. Etter denne fristen fell løyvet bort.

Vi gjer merksam på at Statens naturoppsyn (SNO-Reinheimen) vil kontrollere at tiltaket er gjennomført i samsvar med vedtaket. Tiltaket må òg avklarast med Lesja kommune

Dokument i saka

Søknad frå Lesja Fjellstyre, e-post 12. 05.2022

Saksopplysninger

Lesja Fjellstyre søker om dispensasjon til endring av fasade, for å lagre ved på fjellstyrehyttene Skurveosbu og Nørdre Grønvassbu, i Reinheimen nasjonalpark. Det vart i 2018 gitt løyve til liknande tiltak, då Skjåk Almenning søkte om løyve vedkasse på Tverråhytta i Reinheimen nasjonalpark og Sveinbui Ottadalen landskapsvernområde.


Søknaden frå Lesja Fjellstyre:

Lesja fjellstyre søker om tillatelse til å sette opp vedkasser utenfor to av våre jakt- og fiskebuer i Lordalen statsallmenning, Reinheimen nasjonalpark.

Det er begrenset lagerplass i disse buene, noe som fører til at vi ofte må lagre vedsekker utendørs. Vi prøver i det lengste å lagre veden inne, men dette fører til at mye av annet utstyr blir tildekt av ved. Vi får også skade på fiskegarn som setter seg fast i veden. Lagring utendørs medfører behov for å dekke den til. Vedsekkene går raskt i oppløsning når de ikke er tildekt. Dette fører til fare for både makro og mikroplast i naturen. Veden blir også fuktig, noe som igjen fører til at den brenner dårlig og soter mer.

Det søkes om å sette opp to vedkasser plass til 12 vedsekker på 60L ved Skurveosbu og Nørdre Grønvassbu i Reinheimen nasjonalpark. Vedkassene er ca 180 cm brede, 100 cm dype og 100cm høye, og har samme utforming som eksempelbildene under:





Kart som syner Skurveosbua i nordvest og Nørdre Grønvassbu midt i kartet.

Heimelsgrunnlag

Nasjonalparkstyret for Reinheimen har delegert forvaltningsmyndigheit for Reinheimen nasjonalpark og tilhøyrande landskapsvernområde og naturreservat i medhald av naturmangfaldlova § 62 og nasjonalparkstyret sine vedtekter, sist revidert 17.08.2015.

Søknaden er vurdert i samsvar med:

- Verneforskrift for Reinheimen nasjonalpark, 24.11.2006
- Verneforskrift for Ottadalen landskapsvernområde, 24.11.2006
- Forvaltningsplan for Reinheimen, mars 2010
- Naturmangfaldlova (NML), 19.06.2009

Verneformål – forskrift

I utgangspunktet er Reinheimen nasjonalpark verna mot inngrep av alle slag, jf. verneforskriften § 3, pkt. 1.1. Verneforskriftene § 3, pkt. 1.3 opnar for at forvaltningsmyndet kan gje dispensasjon til definerte tiltak.

b) Ombygging og utviding av eksisterande bygningar

Ombygging, utviding og nybygg skal skje i samsvar med tradisjonell byggeskikk og tilpassas landskapet.

Forvaltningsplan

Forvaltningsplan for Reinheimen utdjupar byggetiltak.

Ombygging § 3, 1.3 b og siste ledd. Etter søknad kan ombygging av eksisterande bygg normalt tillatast. Utviding § 3, pkt 1.3 b. Det skal normalt ikkje godkjennast utviding av eksisterande bygg. Etter søknad kan det likevel godkjennast utvidingar som gjev praktiske forbetringar, lettar vedlikehaldet, aukar tryggleiken, betrar utforminga av huset og tilpassing til landskapet. Utvidingar skal ikkje leggje til rette for auka overnattingskapasitet. Ved

vurdering av søknad om utviding skal det leggst vekt på at bygget blir halde i eksisterande storleiksorden, og at nytt bruksareal ikkje blir auka med meir enn 10 %.

Naturmangfaldlova

I medhald av nml § 7, skal søknaden vurderast etter dei miljørettslege prinsippa i nml §§ 8-12, og presedensverknad.

Presedens

I enkeltsaker skal ein vurdere verknaden av presedens ved at andre kan få dispensasjon til liknade tiltak i verneområdet. Dette følgjer ikkje minst krav til likebehandling.

Presedensvurdering bør vera så konkret som mogleg, jf. Retningsliner for vurdering av presedens i byggesaker etter naturmangfaldloven § 48, gjeve av KLD, ved brev frå Miljødirektoratet 02.03.2015.

Vurdering

Bygging av vedkasser er ikkje omtala i verneforskrifta eller forvaltningsplanen. Slike vedkasser må tolkast som ei utviding og fasadeendring av bygget og er søknadspiktig. Med heimel i verneforskrift for Reinheimen nasjonalpark § 3, pkt. 1.3 b). kan forvaltningsmynde gje løyve til ombygging og utviding av eksisterande bygningar. Ved vurdering av søknad om utviding skal det leggst vekt på at bygget blir halde i eksisterande storleiksorden, og at nytt bruksareal ikkje blir auka med meir enn 10 %. Ei ved kasse på 1,8m² vil ikkje auke bruksarealet på Skurveosbua (35m²) og Nørdre Grønvassbu (20m²) med meir enn 10 %.

Tilrettelegging for lagring av ved utandørs som omsøkt tiltak inneber, er eit praktisk tiltak for å oppbevare veden meir hensiktsmessig. Pga begrensa lagerplass inne i desse buene, har det blitt lagra ved utendørs. Vedsekkane er pakka i plast og dette kan føre til plastavfall ute i naturen. Vedkassene vil sikre at veden er tørr og at det ikkje blir forsøpling av plast utanfor.

Vedkasser med lik farge som hyttene, og festa på veggen, er etter vår vurderer ein fasadeendring som ikkje vil bli skjemma i landskapet.

Då fjellstyret allereie har årlege motorferdselløyve, vil ikkje dette tiltaket føre til søknad om ekstra køyringar. Det kan heller føre til det motsatte, at ein kan oppbevare meir ved og såleis redusere transport av brensel.

Tiltaket er av såpass avgrensa omfang og med forbigåande karakter og vil ikkje vera til ulempe for villreinen. Kunnskapsgrunnlaget (§ 8) vurderast til å vera tilstrekkeleg. Det er gjennom naturbase og kunnskapsrapportar god oversikt over naturverdiar.

Ut frå ei økosystemtilnærming og samla belastning (§ 10), har omsøkt tiltak eit avgrensa omfang og vil ha liten påverknad for den samla belastninga på verneområdet. Det er god oversikt over kva interessentar som kan ha behov for liknande aktivitet i området. Skjåk almenning har tidlegare fått løyve til det same. Både Skjåk almenning og Lesja fjellstyre har hytter som er opne for almenningen, og tiltaket skapar difor ikkje presedens for øvrige hytter.

§ 11, Kostnadene ved miljøforringing skal berast av tiltakshavar og § 12, Miljøforsvarlege teknikkar og driftsmetodar, er vurdert til ikkje å vere relevant.

Ut i frå ei samla vurdering, bør dispensasjon til bygging av vedkasser ved Skurveosbu og Nørdre Grønvassbu i Reinheimen nasjonalpark, gjevast med fastsette vilkår. Nytteverdien med ei vedkasse er vurdert som større enn ulempene. Tiltaket vil ikkje vera til ulempe for verneverdiane eller endre eller verke inn på landskapet sin art eller karakter.